

328

**I**n diesem buch ist beschriben das aller nützlichest recht / be-  
schriben von dem hoch gelerten vnd fürpündlichen doctor  
Jacob von. Theram. Vnd ist genant von etlichen / das  
buch der tröstung aller sündler. Von etlichen wirt es genät  
Belial. Inhalt ob cristus rechtiglich die hell / vñ die pö-  
sen gaist zerbrochen vnd beraubt hab.

**A**dem namen der hailigen / vnd vngetailten drimaltkait  
vnd vnser frauwen der ewigen magt Selob vnd zeezen alle  
hymlichem her. **I**ch han gedacht ich woll mich versuchen  
ob ich zu teutsch mug pringe / das buch das da betracht ob  
Ihesus marie sin das recht hab gehabt / das er die teufel  
hat beraubt an dem tag / da got für all menschen die marie  
gelitten hat / mitt dem bittern tod des kreutz / vnd da von  
ist gesetzt in ein langes vnd kriegisch recht / vnd das han ich  
mir dar vmb für gesetzt inteutsch zebringen / ob ich velleicht  
etlichen menschen die ir veenuuft lieb habē / da mit möcht  
wol geuallen / die es hören oder lesen / wann seit man dem  
frummen nicht anders geuallen mag / dann mit frümkeyt  
düncet mich wie ich dem frummen geuel / das wer wol ge-  
tan. **N**un hat der meyster das buch gemacht vñ hat auß  
gezaigt mit gewonlicher iuriste geschreift wo vñ an weliche  
end er die find vñ die vrtail des buchs auß de haubt büche-  
ren der rechten hat genomen / vnd auß gezogen / vnd hat  
das getan / nicht dar vmb das die ainueligen die mainüg  
vnd den sin dester bas möchten verstan. **N**un dar vñ das  
die gelerten möchten erkennen / das er dis buch auß den rech-  
ten hat gezogen. **V**nd wer das hie nit wolt glauben / d  
möcht es nach der tzeigung in den selben büchern wol finde